

四庫全書

子部

欽定四庫全書

子部

古今事文類聚遺集卷十一

詳校官中書臣沈颺

侍讀臣孫球覆勘

總校官編修臣王燕緒

校對官中書臣王家賓

謄錄監生臣胡念祖

欽定四庫全書

古今事文類聚遺集卷十

元 富大用 撰

殿司部遺

總三衙

歷代沿革三衙即漢人之南軍也宋沿五代之制有侍

衛親兵及殿前兩司蓋侍衛親軍起於後唐

職略又石林燕

語云侍衛親軍自梁起宣武軍乃以鎮兵因舊置在京馬步軍都指揮使而自將之蓋於唐六軍諸衛之

外則為私兵至後唐明宗遂改為侍衛親軍

殿前始於周世宗顯德元年

五代會要

宋朝侍衛親軍置都指揮使雖都虞候亦在殿

前都指揮使之上

淳化元年傳潛自殿前副都指揮使遷侍衛親軍馬步軍都虞候在

殿前都指揮使戴興之上咸平二年王起自殿前都指揮使遷侍衛親軍馬步軍都虞候實錄

自王

起罷職無復任者而侍衛司馬軍步軍遂分為二并

殿前號三衙而馬步二軍始居殿前司之下焉

職名三

司天下之兵柄皆在其權雖重而軍政號令則在樞密院與漢周間史洪肇之徒為之者異矣此祖宗之

微意非前世所及也

石林燕語

古今事實

周廬之師

親衛諸軍虎旅百萬蓋天下武鋒之萃也既建三帥以

護周廬之師

國史

號八桄梯

見四廟門

士識威名

高武烈王瓊為殿前都指揮使管軍員缺王燕領二司

乃言曰先朝自殿前而下各置副都指揮使及都虞候常有十人職近事親易以第進又使士卒預識威名緩急臨戎上下附習此軍制之大要也上從之

言行錄

招丁營圉

楊沂中提舉宿衛親兵時衛兵不滿三千病其寡弱於是招丁壯營牧圉未半歲軍容果張

中興系年錄

禮繼二府

熙寧九年殿前都指揮使郝質言往軍器監與判監劉

奉世會議軍器上批殿前馬步三帥朝廷待遇禮繼二府事體至重寺監小官豈可呼召自今止令移文定議

續會

要

見宰執橫杖

三衙內中見宰執皆橫杖於文德殿後主廊階下唱喏宰相出立階揖之外遇從官於通衢皆避馬此禮久廢惟內中橫杖之禮至今不廢也

筆談

與學士分道

寶元康定余自貶所還京見王君貺初作舍人在坐見
殿前馬步軍聯騎立門外呈榜稱不敢求見舍人遣人
謝之而去慶曆三年余作舍人三衙軍相逢而斂馬駐
立前呼者傳聲太尉立馬急遣人謝之比舍人馬過然
後敢行後余官於外十年而還遂入翰林與學士相逢
分道而過更無斂避之禮蓋兩制漸輕三衙漸重

歐公
歸田

錄

古今文集

雜著

論三衙軍制劄子

洪邁

臣仰惟陛下天資神武留意治軍將士感恩用命非復前比然臣區區管見獨以謂猶有可議者軍制不立名位不正是也請以祖宗之制大略論之三衙軍職之大者凡八等除都指揮使或不常置外曰殿前副都指揮使馬軍副都指揮使步軍副都指揮使曰殿前都虞候馬軍都虞候步軍都虞候曰捧日天武四廂都指揮使

龍神衛四廂都指揮使秩秩有序若登梯然不可一級輒廢一或有闕即以功次遞遷降此而下則分營分廂各置都副指揮使如捧日左廂第一軍都指揮使天武右廂第二軍都指揮使之類邊境有事命將討捕則旋立總管鈴轄都監之名使各將其所部以出事已則復初二百年之間累聖相承皆用此術以制軍誥禁自南渡以後觸事草創於是三帥之資淺者始有主管某司公事之稱而都虞候以下不復設置乃以天子宿衛虎

士而與在外諸軍同其名號以統制統領為之長又使
遙帶外路總管鈐轄之名考之舊制則非法稽之事體
則非是以陛下聖明能知人善任使所謂爪牙之士豈
無數十人以待用者若法祖宗之制正三衙之名改諸
軍為諸廂改統制以下為都虞候指揮使使宿衛之職
預有差等士卒之心明有所係異時拜將必無一軍皆
驚之舉於以銷壓未萌循名責實則環衛將軍雖不置
可也如蒙聖慈或以為然乞下樞密討論故實圖議其

當恐或可以少贊陛下布昭聖武之意茲事體大願陛

下深念之取進

有旨付樞密院

殿前司

歷代沿革殿前司

都指揮使副都指揮使都虞候

掌殿前諸班直及步

騎諸指揮之名籍凡統制訓練番衛戍卒遷補賞罰

皆總其政令入則侍衛殿陛出則扈從乘輿大禮則

提點編排整肅禁衛鹵簿儀仗掌宿衛之事都指揮

使以節度使為之而副都指揮使都虞候以刺史以

上充資序淺則主管本司公事馬步軍亦如之備則

通治闕則互攝

四朝志

祖宗以來三帥不曾闕兩人若

殿帥闕難以從下起補

姚麟係殿前都虞候合陞作步軍副都指揮使元祐十年

樞密王巖叟言

政和四年詔殿前都指揮使在節度之上殿

前副都指揮使在正任承宣使之上殿前都虞候在

正任防禦使之上

四朝志

宋初沿後周有殿前都點檢

在都指揮上太祖由此承禪後不置焉中興以來主

管殿前司一員其屬有幹辦公事主管禁衛各二員

準備差遣準備差使點檢醫藥飲食各一員尋減幹
辦公事一員增書寫機宜文字一員

羣書要語建安十九年王師東征余典禁兵行宮省

曹植

東征賦

錫以六肅總此八屯

溫公制

嘉其扈從之勤

同上除殿帥建

節制

內摠七萃之師外分十連之任

同上除郝質制

內典嚴衛外

表節旄

同上賜郝質詔

總領禁衛為王虎臣

董率王師

並同上

進總凝嚴之務歷圖勁傑之資

王岐公行李彥制

屬嚴除之領

帥仗帥鉞於殿除

並同上

置帥殿陛屬之董齊

南豐擬制

就

列大廷典綏王旅

同上

祇護殿巖

東坡苗授制

總朕虎臣典綏

王旅環列增肅周盧不驚

曲阜行燕達制

營衛之士皆天下武

臣之高選虞度軍中之事是可非其人哉

荆公除宋守約制

宿

衛左右而虞度候視於軍中者其任甚寵

古今事實

躬親試閱

周世宗自高平之戰觀其退縮慨然有懲革之意又以
驍勇之士多為外諸侯所占於是詔募天下豪傑不以

草澤而俱送於闕下躬親試閱選武藝超絕及有身首者分署為殿前諸班因有散員散指揮使內殿直散都頭鐵騎控鶴之號

見髯將軍

劉猷以衆數萬欲犯建業楊和王沂中至藕塘與猷遇遣勁騎五千突入其軍賊兵亂沂中縱大軍乘之賊衆大敗猷曰適見髯將軍銳不可及果楊殿前也即以數騎遁

上言土木

張耆字元弼真宗朝為殿中都虞候是時大興宮室之役以奉符瑞宰臣丁謂欲殫國財力雖大臣不敢議耆上言土木之役不足以承天意耆後為樞密使

令寓捕蟬

宋守約為殿帥自入夏日輪軍校十數輩捕蟬不使得聞聲有鳴於前者皆重笞之人頗不堪神宗一日以問守約曰然上以為過守約曰軍中以號令為先臣承平

總兵殿陛無所信其號令故寓以捕蟬耳蟬鳴固難禁而臣能使必去若陛下誤令守一障臣庶幾或可使人上以為然

馬軍司

歷代沿革宋朝

都指揮使副都指揮使都虞候都指揮使本方鎮軍校之名自梁起宣武軍乃

以其鎮兵因仍舊號置在京馬步軍都指揮使掌馬軍諸指揮之名籍凡統

制訓練番衛戍守遷補賞罰皆總其政令侍衛扈從

及大禮宿衛所掌如殿前司政和四年詔以馬軍都

指揮使馬軍副都指揮使在正任觀察使之上馬軍

虞候在正任防禦使之上

四朝志

中興以後主管侍衛

馬軍司一員幹辦公事準備差遣點檢醫藥飯食常

出戍建康

羣書要語四牡既佶既佶且閑

詩

材官車騎之衆號噉

萬旅命汝將之

洪水盧政制

階遂升於騎帥

明道除夏斌制

早分將

鉞嘗帥騎兵

胡文恭行張茂實制

益遷徒騎之虞王

古今事實

馮敬雖賢

漢王問魏騎將誰曰馮敬曰是秦將馮無擇子也雖賢不能當灌嬰

成陣教戰

燕達以功遷榮州防禦使為馬步軍副都指揮使神宗閱武騎患未精達請躬自巡教悉精銳又采諸葛亮李靖遺意成五陣以教戰士進殿前副都指揮使哲宗即位遷殿前都指揮使

東都事略

訓齊士伍

元豐二年上批馬軍都虞候權主管步軍燕達能體朝廷訓齊士伍之意故二司所總師徒技能日進宜與二子閣職

步軍司

歷代沿革宋朝

都指揮使副指揮使都虞候

掌步軍諸指揮之名籍

凡統制訓練番衛戍守遷補賞罰皆總其政令侍衛扈從及大禮宿衛如殿前司政和四年詔以步軍都

指揮使副都指揮使在正任觀察使之上都虞候在

正任防禦使之上

四朝志

中興以來主管侍衛步軍司

一員幹辦公事準備差遣點檢醫藥飯食

羣書要語典司禁戎

唐大詔令

補督將之缺

洪武除苗

虞度

兵計候司戎事亦統護之

同上

參典親衛

曲阜行賈巖制

既策勵

於徒兵

明道除夏

仍遷軍候之職

東坡除劉

設候奄之

職以訓齊其政又疇次事勞宜進候奄

古今事實

上攻守策

宋朝元昊既叛劉平遷副指揮使靜江軍觀察留後遂上攻守之策極論二邊利害時以其言合孫吳以名將稱

視若神人

黨進權步軍司事先是禁軍校自都虞候以上悉以所掌卒伍之數細書於所執之槌謂之杖記如笏記焉上一日問進兵籍幾何進不能對舉槌曰盡在是矣上笑

謂其忠實進每探甲冑則髭髯皆磔監目光如電視之
若神人

止戍兵譁言

高武烈王瓊為步軍都指揮使會戍兵以廩食陳弱譁
言者瓊知之一日巡營士平方坐食因取其飯啖之謂
曰邊鄙無事而坐飽此宜知幸也

總軍司部

總將帥

歷代沿革並見後各官之下此但載通用事

羣書要語師貞丈人吉无咎

易

長子帥師以中行也

同上

文武吉甫萬邦為憲

詩

顯允方叔征伐玁狁維師尚父

時維鷹揚矯矯虎臣在泮獻馘進厥虎臣闕如虺虎方

叔元老克壯其猶赳赳武夫公侯干城赫赫南仲玁狁

于襄子曰有奔走予曰有禦侮

並同上

司馬統六師

書

大

司馬以九伐之法正邦國

禮

晉毀軍為三行將上行中

行下行

左傳

無令輿師淹於君地

注輿兵車同上

班師振旅

書

卻

穀說禮樂敦詩書乃將上軍

左傳

王人牙璋以起軍旅

禮

為魚麗之陣先偏後伍伍承彌縫

云云

禘動而鼓

左傳

王大

捷則凱歌

禮

將為天目國命所寄

燕集

國不可從外理軍

不可從中御

淮南子

四封外事當資范蠡之賢

國語

太史公

曰兵以正合以奇勝

田單傳

無邀正正之旗毋擊堂堂之

陣

孫子

孫吳之言聒乎將耳

王符潛夫論

行師用兵之要不必

取孫吳而暗與之合

同上

賞如高山罰如深溪猛將四七

魏都賦

怒如嚴霜喜如時雨

同上

材標美箭門襲良弓軍法

盈懷兵規拍掌

燕公制

飲冰受斧拍日揚麾

燕集

雨洗天兵

風霾虜醜

李晟廟碑

翩翩飛將董我三軍

李德裕集

魚麗鶴列

酉陽

雜俎

漢將出山西安邊境立功名在於擇良將名聲暴於

夷貉威稜懾乎鄰國高壘深溝卧舊營而不動地營烏

陣臨死地而無疑

並類要

惟弟惟兄莫非頗牧

元集行李愿制金

方之氣疑為將星王者法天選命豪傑授之以鉞

白集制

皇情西顧則九羗釁鼓詔書北伐則四塞焚旗

同匈奴

未滅甲第何營壯士不還風寒自起

詩句洗劍清海內刻功天山石

杜甫王忠禮詩

戈矛虓虎士弓

箭落鵬兵

杜牧

年少好風情垂鞭睚眦行帶金獅子小裘

錦麒麟獐

張祐贈南海將詩

蒐兵四解降王縛報國三登上將

壇

曹彬

今代麒麟閣何人第一功

云

青海無傳箭天山早

掛弓賢王愁逐北宛馬又從東受命邊沙遠歸來御席

同

杜甫上哥舒翰

虜障天驕起秦城地脉分

鋒刃奔濤色旌

旗燄火文

五原風火急六郡羽書催

將軍朝杖鉞

戰士夜銜枚

沈佺期詩

蓋將軍真丈夫行年三十執金吾

岑參

玉門關蓋
將軍歌

萬里赴戎機關山度若飛朔氣傳金柝寒光

照鐵衣

古今事實

六出奇計

漢陳平六出奇計

楚泉將

九江王布楚泉將

猛將如雲

猛將如雲謀臣若虎

天下無雙

李廣才氣天下無雙

圖上方略

趙充國擊羌虜上問當用幾人曰兵難預度臣願馳至

金城圖上方略

不學兵法

霍去病不學古兵法顧方略何如耳

此亦一奇

黥布楚共布戰為三軍欲以相救為奇

云

此亦一奇也

九戰九勝

韓信絕通道大破秦軍九戰九勝

誘騎游兵

李廣傳匈奴數千騎見廣以為誘騎又張良往來為游
兵

常為間候

傅介子傳常為間候言為間而伺候

頗牧為將

馮唐傳上拊髀曰吾獨不得廉頗李牧為將豈憂匈奴哉

將軍制閫外

古王者之遣將也跪而推轂曰閫以內寡人制之閫以外將軍制之

卧内奪印

漢高祖入韓信軍即其卧内奪其印麾召諸將易置之
夜擊刁斗

李廣以銅作鐃器受一斗夜擊持行刁斗
號為飛將

呂布字奉先便弓馬膂力過人號為飛將
葛亮之才

諸葛亮之才於戎為長奇謀為短理民之幹優於將
謂之鐵虎

蔡祐與齊戰被明光甲所向無前齊人謂之鐵虎

號為杜彪

梁西荊州刺史杜山從膂力過人便馬善射所佩霞明朱弓四石餘力每出挑戰魏軍憚之號為杜彪

熊虎之將

周瑜謂孫權曰劉備有關張熊虎之將又為世虎臣有飲馬長江之志

稱萬人敵

關侯張飛皆萬人敵又唐李日越高庭暉為史思明將
皆稱萬人敵後歸唐

齋戒受斧

凡將出必齋戒之廟受斧故云齋斧

臨軒受鉞

唐渾瑊德宗進狩山南城以諸軍衛入谷口帝臨軒受
鉞用漢拜韓信故事又詔於廟堂授以斧鉞鑿門命將
十策圖蕭鉞

唐李靖累授開府獻十策圖蕭銑

三箭定天山

見都總管

刺山泉涌

前漢李廣號貳師將軍拔佩刀刺山飛泉涌出

列耀斗魁

文昌官上將次將列耀於斗魁

振旅凱旋

唐裴行儉大破突厥振旅凱旋

此真將軍

文帝時匈奴大入邊亞夫為將軍軍細柳以備胡上自
勞軍至霸上棘門已而之細柳先驅至軍門都尉曰軍
中聞將軍之令不聞天子之詔上使使持節詔將軍曰
吾欲勞軍亞夫傳言開辟門天子按轡至中營亞夫以
軍禮見天子為動改容式車文帝曰嗟乎此真將軍矣
鄉者霸上棘門如兒戲耳至亞夫可得而犯耶

矍鑠老翁

馬援拜伏波將軍會劉尚擊武陵五溪蠻長深入軍沒
援請行時年六十二帝愍其老援曰尚能被甲上馬帝
令試之援據鞍顧盼以示可用帝曰矍鑠哉是翁也

虎頭燕頤

前班超相者謂超燕頤虎頭飛而食肉萬里侯相也

勒石紀功

後竇憲遂登燕然山勒石刻功紀漢威德令班固作銘
曰躡冒頓之區落焚老上之龍庭

作八陣圖

諸葛亮作八陣圖

一身是膽

趙雲字子龍將數十騎值曹操軍大出雲遂前突其陣
且圍且却魏兵追至營雲大開門魏疑有伏兵引去雲
以勁弩射魏兵魏兵驚駭自相蹂踐墮水死甚多備明
旦至雲營視昨戰處曰子龍一身都是膽也

持半段槍

哥舒翰為河西衙前將吐蕃大寇邊翰持半段槍當其

鋒擊之

玄宗
實錄

佩四將印

王忠嗣有武略佩四將印為隴西節度

下馬作露布

傅奕字修期拜安遠將軍帝歎曰上馬能擊賊下馬作

露布

樽俎折衝

仲尼曰晏子起於樽俎之間折衝千里之外

與分甘苦

吳起與士卒分甘苦

擊牛饗士

李牧備雁門市租皆輸入幕府日擊牛饗士

減竈增竈

孫臏減竈虞詡增竈

拔幟立幟

韓信拔趙白幟立漢赤幟

國之爪牙

漢李廣斬霸陵尉上書自陳上報曰將軍者國之爪牙

提鼓援枹

范蠡應使者曰左提鼓右援枹

秉鉞抗旌

大將軍秉鉞抗旌

設壇具禮

韓信傳擇日齋戒設壇具禮拜為大將一軍皆驚

杖箠下城

張耳杖馬箠下數城

枕席過師

趙充國信威千里從枕席上過師

戰勝攻取

前高帝曰連百萬之衆戰必勝攻必取吾不如韓信

雅歌投壺

祭遵為將軍取士皆用儒術對酒設樂必雅歌投壺雖在軍旅不忘俎豆也

橫行匈奴

十萬橫行舞陰侯之殺氣又單于嘗為書嫚呂太后太后怒上將軍樊噲曰臣願得十萬衆橫行匈奴中季布曰可斬也

武暢四海

陳湯威震百蠻武暢四海

威如破竹

杜預曰今兵威已振譬如破竹數節之後皆迎刃而解
虜在目中

光武西征隗囂召馬援至於帝前聚米為山谷帝曰虜
在吾目中矣

誓清中原

晉元帝定江南以祖逖為奮威將軍豫州刺史逖渡江中
流擊楫而誓曰祖逖不能清中原而濟者如此江

卷十
乘月清嘯

晉劉琨為并州都督拜大將軍在晉陽為番騎所圍琨
乘月登樓清嘯賊聞之悽然長歎中夜奏笳向晚復吹
之賊奔圍走

驅鹿角圍

徐晃字公明為平寇將軍討關羽入圍破之太祖令曰
曾驅鹿角小重圍

赤兔突陳

呂布有良馬曰兔常與其親近乘赤兔而陷鋒矢突陳

曉暢軍情

將軍向寵性行淑均曉暢軍情

卧息旗鼓

諸葛亮屯陽平兵少自若敕軍卧旗息鼓

八陣七擒

諸葛亮因八陣以施武經七擒以即戎

八遇八克

婁師德字宗臣武后時猛士討吐蕃乃自奮戴紅抹額
來應詔後共虜戰八遇八克

右刀左稍

西郡南郢州刺史耿令貴謂所部曰丈夫見賊須右手
拔刀左手拔稍莫皺眡畏

止風反雪

王駿將并州兵濟河討突厥駿間行拾趣山谷夜遇雪
恐失期誓於神曰駿事君不忠不討有罪天所殛者當

自蒙罰心誠忠而天監之則止風反雪俄而和霽
自東道追及之獲餘三千

酹酒祝江

隋賀若弼酹酒祝江得葬魚腹中死且不恨

提鼓揮桴

唐薛登上疏提鼓揮桴臨難決疑此將事也一劍之任
非將事也

將門有將

楊元感求領兵煬帝曰相門必有相將門必有將

西平有子

李晟子李愬晟封西平王柳文平淮雅曰西平有子

韓門二龍

烏承玘字德潤開元中共族兄承恩皆為平盧先鋒號
韓門二龍

黃驄少年

裴果常乘驄馬白袍先陷陣時號為黃驄少年

降騎十萬

郭子儀家傳永泰元年僕固懷恩結吐蕃回紇合圍涇陽是時也兩軍相對控弦未發公獨以一騎出降陰山十萬騎

破賊五千

唐馬璘以百騎破賊五千光弼則曰吾未見以少擊衆如馬璘者矣

料敵如神

郭子儀訓師如子料敵如神

取糧於敵

郝玘貞元中在邊積三十年每討賊不持糗糧取糧於敵

卯命辰行

高崇文為長城史奉詔征劉闢御軍常若寇至卯受命而辰行器用無闕

中興銳將

馬璘武幹絕倫遭時屯以忠力奮為中興銳將

太微上將

太微上將楊炯

旌義懷忠

劉昌主平涼劫盟亡歿家名旌義家號懷忠

開辟斫營

貞元三年尚結贊入寇諸軍開辟俱斫營

喜得彪將

薛仁貴從征遼東恃驍勇乃異其服色著白衣太宗遙見之間先鋒白衣者為誰特引見賜馬絹喜得彪將

名可震敵

薛仁貴勇冠三軍名可震敵

號望英樓

高宗命英公勣伐高麗既破上於苑中樓上望號望英

樓

僉載補遺

上為治第

霍去病上為治第令視之對曰匈奴未滅臣何以家為也

歸載圖籍

宋朝曹彬謚武惠討蜀師還輜重甚多或言悉竒貨也太祖密令伺之圖書也無銖金寸帛之附焉又平江南舟歸無他物惟載圖籍衣被而已

圖形以進

狄青與西賊戰每帶銅面具被髮出入行陣間未嘗中

箭而上未識其面遂令圖形以進青密令軍中聞鉦一聲則止再聲則嚴陣而陽却鉦聲止則大呼而突之士卒皆如教纔遇敵未接戰遽聲鉦士卒皆止再士皆却虜人大笑相謂曰孰謂狄天使勇鉦聲止忽前突之虜兵大亂自相蹂踐死者不可勝計

射虜貴人

曹公瑋在秦州西番犯塞虜陣有出布陣虜貴人也瑋使射之一發而斃虜鳴笳而遁瑋以大軍乘之虜衆大

敗係斬萬計西番由是憚服至今不敢犯塞每言及瑋則呼之為父

射死達蘭

澶淵之役高武烈王瓊勸上發南城王下馬自扶輦衆渡河敵人失色及射死達蘭敵遂奉書請盟

應飛來識

湖寇揚么自恃其險賊中語曰有能害我除是飛來俄詔用岳飛適值大旱公命伐木為巨筏塞諸港汊賊戰

敗趨舟欲出湖而舟為筏所礙不能遁遂戮死招降之
飛來之讖於是乎驗

並同上

海州之捷

李寶至東海縣時敵兵已圍海州寶麾兵登敵驚引去
寶引舟師至密之膠西石臼島敵泊唐島相距止一山
候風即南不知王師之猝至丙寅風自南來衆喜爭奮
引帆握必俄頃過山薄敵敵驚大擾敵帆皆以綿纈為
之彌亘數里忽為波濤捲聚一隅寶命以火箭射之延

燒數百火不及者猶欲前拒寶命健士躍登其舟以短
兵擊刺殪之舟中脫甲而降者三千人獲渠帥郭嘉努
等斬之獲鎧甲糧斛以萬計飛小舟奏捷除沿海制置

治迹
統類

烏珠大敗

李顯忠與諸將會淮西戰於柘皋烏珠大敗公追至孔
城奪耄倪之被擄者以萬計

金亮敗走

金主亮既敗於楊林走淮東尚留精兵於和李顯忠陣
於和之城下北兵敗走入城縱火公領軍塗甲冒火而
進遂復和州

捍禦金人

岳飛捍禦金人猛士如林未嘗敗衄退守河東敵不敢
逾河飲馬

決機如神

胡世將問吳武順王兄玠所以戰則曰要在用所長去

所短金之弓矢不若中國之勁利中國之士卒不若金人之堅忍據其形便更出銳兵沮其堅忍之勢則我固有以制彼至於決機兩陣之間變化如神默運乎心術之微則璘有不可言

勇冠三軍

太師韓蘄王世忠方從梁方之為將也破鄆賊於鹹河又破大名賊於超化寺又破內黃賊於沂州又破徐靖於管縣又破長仙於擂鼓山勇冠三軍

恨見卿晚

郭觀察棟初為興元利州正將樞密使王公炎入蜀奇
公材留寘帳下乾道中部秦兵及鎧甲赴行在所因密
薦之即日召入孝宗悼符離失利寤寐中原公極言曩
事剖析如流漏下五刻上恨見卿晚

兼四者美

李顯忠公以忠誠結知冕旒人謂義不忘君如關雲長
忠不恤家如李良器子儀之寬厚得人光弼之嚴明御

下公兼四者之美

奇計百出

李顯忠公之用兵奇計百出以勇果濟之先智後戰卒如所料遇大敵餘人奪氣公方優游甚暇屬以少擊衆取勝

威震四海

曹武穆公瑋為將幾四十年用兵未嘗敗衄自三都之戰威震四海嘉勒斯賚問公姓名即以手加額在天雄契

丹使過魏地輒陰勒其從人無得高語疾驅至多憚公不敢仰視

戰無不勝

吳玠親兵不滿五萬每戰乘肩輿動鼓樂殊無懼色戰無不勝

以寡敵衆

建炎四年烏珠四至鎮江韓世忠駐焦山之時敵衆數萬世忠纔八千人世忠募海船百餘艘泊金山下敵見

大笑曰此吾机上肉耳世忠命鍊鐵為長綆串大鈎徧
授强健者敵舟噪而前世忠分海船為兩道出其背每
鉞一綆則縛一船而入敵不得渡乃遣使願還所掠及
獻馬五千世忠不聽曰只留下烏珠乃可去世忠據中
流與敵相持烏珠不敢出敵在儀真者乃於城外鑿小
渠屬之江烏珠刑白馬殺婦人自剗其額祭天以幸風
濤之息世忠悉師督戰風弱帆緩我師不利敵以輕舸
絕江而遁

卒如所料

先是世忠視鎮江形勢無如龍王廟敵來必登此望我
虛實因遣二百卒伏廟中又遣三百卒伏江岸遣人於
中望之戒曰聞江中鼓聲岸下人先入廟中人繼出敵
果有五騎趨龍王廟廟中之伏聞鼓聲而出五騎振策
以馳僅得其二有紅袍白馬既墜而跳馳得脫詰二人
者云即烏珠也

古今文集

雜著

為揚許州讓右羽林將軍表 宋之問

五色無主如驚葉縣之龍千秋來歸似對遼門之鶴中

謝臣聞為官擇人先辟之成務陳力就列古人之用心

臣家本關西衣冠河曲素業將墜莫嗣英靈朱輪載輝
謬承恩渥未盈一紀連刺九州西涼本六郡之樞南荊
乃九州之會蒲藩關左之重鎮魏郡山東之奧區宣城
襟帶於吳郊許昌密邇於周室每恥政逾期月之來暮

之歌候改星霜無去思之詠隼旗迴復日忝恩榮熊軾
往還多慙道路出居岳牧負尸祿之譏入計河都待曠
官之責不意天私俯宥睿獎曲成擢之以心膂之官賜
之在爪牙之地非常之澤捧戴失圖天衛凝嚴北軍清
切風霜劍騎頓元武之仙闡龍馬旌旗環紫微之帝座
掌斯嚴祕必屬親賢臣也何顏敢膺殊寵當今鵷鴻接
翼文武周身咸皆實已過名位未充量臣內求諸已外
媿妨賢若使愚臣苟安於私懷聖授不久於清議陶鈞

雖廣無路自容懼實由衷讓非飾跡伏乞垂救渙汗更
授壞材軍司得人臣謂報國無任傾幸媿負之極謹詣
朝堂上表陳讓以聞

將略論

王獻

炙轂子曰昔祝其之會仲尼云夫有文德者必有武備
遂斬萊人頭足異處故曰文武之道未墜於地是以古
之儒者服縫掖之衣頂章甫之冠佩環玦負櫜劍近代
文儒恥言兵事苟或議及則僉謂之兇人今以翠華去

鄧錫黃屋軫堯心率土之濱莫寧啓處方可論兵粗議
將畧矣且自罹亂以來儒道既息武弁是崇然而將帥
多以勇力爭強少有精鍊兵機而懷謀策者所謂以強
凌弱以衆暴寡迭以吞噬適足以塗炭生靈構怨結禍
夫兵之成敗在將帥之器能各有限制湏定等差淮陰
侯與漢高祖論絳灌已下用兵多少信曰陛下可將十
萬衆所謂能將將不能將兵夫高祖之雄才大略尚如
此況其下哉楚子玉賢大夫也亦不能越三百乘是以

王翦能將六十萬而李牧不能二十萬此方見將帥才
器之大小也凡為將料敵之情偽而後決策制勝須知
彼師之能否乃操我之所長假如韓信能設伏走我則
逐奔不遠從襲不及白起能攻城野戰則當深溝高壘
以挫其銳俾蜂蟻無所施其毒螫虎狼不能逞其爪牙
本謀既壞伺其殆隙而擊之因變竒正以待敵整衡軸
以攻險兵法曰始如處女敵人開戶後如脫兔敵不及
拒此兵之要也司馬宣王曰諸葛孔明志大而不見機

多謀而少決好兵而無權雖提卒十萬已隳吾計中破
之必矣及鄭袤亦能知毋丘儉好謀而不達事情文欽
勇而無算至儉兵敗皆如其言又潘濬見樊袖為武昌
從事與州人設饌十餘度自起比至日中可得知以兵
五千足以擒之果在濬之度內漢王謂魏大將柏直口
尚乳臭不能當韓信謂騎將馮敬雖賢不能當灌嬰謂
步將項他不能當曹參吾無患矣乃使韓灌曹三將軍
果大破之後魏高祖宏曰青齊之兵可以禮遇徐兗之

卒理須義撫斯測度將卒之明驗也今之將帥多不自
量其才器又不知彼之短長率爾合戰卒然求勝猶聚
卵以擊山驅羊而鬪虎欲期弭兵靜亂不亦難哉帝王
宜開英鑒審將帥之器量文武之才則崇勲大業庶幾
可立夫宰制山河剽割疆宇舉大綱則易定滋苛細則
難安故子房佐漢畫大謀六七件遂定天下孔明叛蜀
決沈機二三策遽成鼎峙英雄之大畧將帥之宏規也
安危之機存亡之要審諸將略可見徵焉

論將上

楊廷秀

臣聞聖人之所以鼓舞天下使之奔走淬勵以爭先於
為用長治而不亂有急而不可棄者蓋聖人不示天下
以其可窺而作天下以其不自止如此而已矣果不可
窺也宜乎天下之不自止也天下之所以作之不起未
起而復廢者吾之可窺者見而彼之自止者隨之今天
下之所以患於無才而才尤患於無將其病在此方邊
事之興芒芒然以求將也天下則亦芒芒然以趨之天

下趨之而朝廷不求將矣非不求將也邊事息而無所
事將也無所事將則天下亦弛然曰無所事我則亦弃
而之他剛者柔勇者怯而柔怯者有不勝其柔怯矣高
者趨文科以售其身而下者伏於農商矣其精銳果敢
者有所挾而莫之用則去而為盜矣天下弛矣而邊事
又動也而為將也則又芒芒然以求天下而天下莫之
趨也夫前日之所無事也所以為今日之莫之趨也歟
夫如是焉得將昔者成王周公承文武平定之業誅三

監征弗庭而天下服矣於是酌堯舜夏商之禮樂法度
補葺成就以至於大備當此之時文物煥於朝頌聲被
於野太平之所甚樂而成王周公之所甚懼非懼夫太
平也懼天下之窺吾君臣之樂夫太平而彼亦樂之以
至於亂也則有大司馬之官日夜選將閱戎如是而為
車如是而為徒如是而為鼓鐸鐃鐃如是而為坐作進
退後至者誅違命者斬夫大閱者非真臨陣而應敵也
而後至者何至於誅不用命者亦何至於斬哉而其法

如此蓋其所以處暇裕之日與處三監未誅之時無異也則天下何以窺上之無所事我而不為也哉是故文武並用而莫知其孰先莫知其孰後不見其所甚好不見其所不好才素備而無一旦之憂後之君臣狃於治而謂天下不復亂也則曰汝不逢高帝時萬戶侯何足道哉而羽林子弟授經於學校與夫將軍不好武而其子皆能文則君臣相慶以為太平之盛觀而腐儒曲生又從而諛之曰兵寢者二帝三王之極功也不知夫

二帝三王之不如是也諛說之誤時世也諛說盛於下
君臣怠於上而天下以兵為諱以武為慙矣棘門霸上
之無人而開元天寶之末狼狽大敗者無怪也非天下
之無人也上之人示之以其可窺而弛之使其自止也
今日之事邊警息矣天下將曰朝廷無所事兵矣此可
慮之機也臣願天子增重武事不改於有事之時訪求
將才不啻如有事之初而宰相大臣亦折節以下才略
武勇之士毋責其鄙野之狀而毋怒其桀岸之氣時賜

之燕閒而延見之棘之於其中而試之於其外以陰求天下之奇傑待之異而養之久此所謂不示天下以其可窺而作天下以其不自止者也則緩急之際亦何至於芒芒然以求而求又不得哉

論將下

楊廷秀

臣聞今之議者曰選將莫若宿望而新進者未足用也臣竊以為不然選將之與擇相相似而大不同是故相不厭舊而將不厭新擇相不以舊不足以饜天下之望

選將不以新不足以激天下之才蓋天下之相必道隆而德重名節全而才畧高天下之人曉然服其可以相也或既相而去天下恨其有所不盡而望其再有所盡也如此者未相而天下願之既相而天下悅之既去而天下留之是惟無相相之而天下無異論故曰相不厭舊至於將則不然夫所謂宿將者功業就矣名位高矣富貴極矣腴田甲第金玉寶貨充乎其家歌童舞女酣宴沈浸汨乎其心昔之精明之謀者將暗然而勇果之

氣者將廢然矣天下無事則曰朝廷苟有事不使我則
不濟及其有事也使之舍其所甚樂而任其所甚憂取
其甚愛之身而捐之必死之地彼則畏矣以今之畏合
前之驕焉往而不敗故曰將不厭新蓋富人作室者
有楹而未有棟有棟而未有梁則徧國中以求大木三
年而後得之於千里之外蓋千百年之松櫟豫章也室
成而富人者疾有愚賢焉見其嚮之求木之意也則上
其百年所歲之天雄烏喙焉曰此可已病也不知夫木

者不老則不堅而藥者不新則不功今歲之藥來歲已陳且槁矣而百年之天雄烏喙則與朽壤何擇而尚伐病之能哉此將相新舊之辨也李廣之在漢驍雄傑出其君知之天下知之匈奴亦知之廣之心翹然以無人視天下自以為漢將非我則不可也然衛青霍去病崛起於戚里之中與單于角勝負深入大幕直擣龍庭而廣乃以失期無功死開元之後王忠嗣哥舒翰威名邊功天下第一天下之人以為一日不可無忠嗣與翰也

及幽陵盜起廟堂失措忠嗣則不存而使翰則又敗復
兩京平安史者乃一未有功之子儀而忠嗣部曲中之
一光弼也當唐之盛時忠嗣與翰有大功名之日天下
豈知有衛霍李郭哉然則宿將之與新進未易以相輕
重也且人之有才者孰無自喜之心而人之於富貴功
名孰無願欲之志自喜其才則必求所以自試志乎富
貴功名則必求所以自取此如善書者樂於為人書而
嗜酒者可以得酒則無不為也不因其自試之心而激

之以自取而曰吾必得宿將亦惑矣故臣以為今日之
取將莫若以新儒士之通敏沈雄者行陣之嘗有聞者
舉武之有所蘊而不徒虛文者士卒之有能而自異者
卑賤有挾持而不自達者豪猾有過而其才可贖者君
相留意焉不測而識之於稠人之中無故而置之萬衆
之上庶幾乎如高帝之得韓信又何患天下之無將也
哉

乞審察將副劄子

洪邁

臣仰惟陛下天縱神武勵精政事當國家閒暇之時所以為久遠之計者未嘗一日而輟故整軍經武之備尤切於聖心至於激勵將士則自用兵以來所未之有竊見比者以禁軍疑射鐵簾收縱甚敏旌殿步帥之能訓習即遷其官以建康統制官劉忠趙皋武藝精絕既賞二人又陞其帥郭鈞以遙郡其不稱者則寘之閒官賞信罰明轅門競勸繼自今必無復有妄補偏裨如向來之弊者然臣於此竊有獻焉臣謂大軍列屯既已聞風

爭奪其州郡主兵者上則有總管次則有鈐轄下則有都監名為兵官然麾下不過廝役之卒數十輩雖有將畧亦無所施今東南將兵多者五千人少者三二千人其任職者唯正副將而資歷頗卑尋常除授之間不暇精擇豈無不才者濫吹其間脫有差委懼不勝任臣愚欲乞聖慈特降睿旨凡諸路將副闕到半年之前略倣路鈐以上謝辭之制令赴樞密院審察其曾隨軍者仍試以技藝較其能否其不足統衆者改授他職庶幾兵

將之間無小無大皆可以訓聖天子聞外使令誠非小補

古詩

魏將軍

杜子美

將軍昔著從事衫鐵馬馳突重兩銜披堅執銳畧西極
崑崙月窟東嶄巖君門羽林萬猛士惡若吼虎子所監
魏侯骨聳精爽緊華嶽尖峰見秋隼星纏寶校金盤陀
夜騎天駟超天河攬槍熒惑不敢動翠旌雲旂相盪摩

吾為子起歌都護酒闌插劍肝膽露鈎陳蒼蒼風玄武
萬歲千秋奉明主臨江節士安足數

律詩

奉和杜相公發京城

岑參

按節辭黃閣登壇戀赤墀銜恩期報主授律遠行師野
鶴迎金印郊雲拂畫旗叨陪幕中客敢和出車詩

獻封大夫受降回軍

岑參

驛馬從西來雙節夾道馳喜鵲奉金印蛟龍盤畫旗如

公未四十富貴能及時直上排青雲
旁看疾若飛前年斬樓蘭去年平月支

劉校書從軍

楊炯

天將下三宮星門列五戎坐謀資廟略
飛檄佇文雄赤土流星劍烏號明月弓
秋陰生蜀道殺氣繞湟中

送駱奉禮從軍

李矯

玉塞邊烽舉金壇廟客申羽書資銳筆
戎幕引英賓劍動三軍氣衣飄萬里塵
希君勒石返歌舞入城闔

送靈州田尚書

施逢

陰風獵獵滿旗竿，白草颼颼劍氣攢。
九姓羌渾隨漢節，六州蕃漢從戎鞍。
霜中入塞琕弓硬，月下翻營玉帳寒。
今日路旁誰不識，穰苴門戶慣登壇。

送張大夫從軍

韓翃

邊事令勞役，儒歌逐鼓鼙。
班超封定遠，君子去思齊。

獻封大夫破播仙凱歌

岑參

鳴笳疊鼓擁回軍，破國平蕃昔未聞。
丈夫鵲印搖邊月，

大將龍旗掣海雲

詩話

會宴賦詩

王侍中智興武畧英竒勅授徐州節度雄材磊落幕府
既開所辟新儒者一旦從事於使院會宴從容賦詩頃
之遺於王公乃召護軍旗俱至王公曰前某以韜畧發
迹未曾留心章句云云遂乃引紙援毫頃刻而就云平
生弓劍自相隨剛被郎官遣作詩江南花柳從君詠塞

北煙塵我獨知

諸路將官

歷代沿革宋神宗留意武備本以捍西北二邊而推其
法於東南故西北為多東南為少

職器

陝西諸路四十

二將河北諸路三十七將而東南纔十三將

元豐四年詔東

南諸路團結諸軍馬十三將淮南東路第一西路第
二兩浙西路第三東路第四江南東路第五西路第
六荆湖北路第七南路諸州第八金邵永三州備廣
西應援第九福建北路第十東路第十一西路桂州
第十二邕州
第十三寶錄合諸路九十二將各有正副軍中行圖

陣隊調發賞罰皆關決於各路

宣和六年詔

元祐元年司馬

光請盡罷諸路將官其禁軍盡委本州縣長吏與總管

鈐轄都監押等轄一如未置將官以前之法而樞密院

難之止詔諸路將副在州駐劄不係本州兵官知州并

州鈐轄兼充者並差將官一員兼本州都監其軍將駐

劄處勿復差兼宣和五年御筆諸路將副部隊自今並

依元豐法選差

中興會要

乾道四年密院奏諸州揀中弓弩

手雖已差路分鈐轄都監春秋詣諸路巡按緣逐州未

有將官專一日逐訓練恐致事藝生疎詔諸州各置准

備將一員專一管轄日逐訓練揀中弓弩事藝

孝宗會要哲宗

職官志諸路將官掌統制所隸禁旅以行陣隊伍金鼓旗幟弓矢擊刺之法而教習訓練之別其武藝精強者待次遷補以激勸士卒凡兵仗器甲之數廩祿犒設賞罰約束之禁令皆掌焉副將為之二若屯戍防邊則受帥司節制禦寇敵則審其戰守應援之事若帥有功則具職數籍用命者而旌賞之續會要

古今事實

舜欽可用

劉舜欽字希文熙寧初詔求將帥近臣以舜欽名聞命

總京東九郡將兵訓之悉以新書從事三年詔以所部
軍閱於內殿神宗歎曰坐作有度其可用也

本傳

郭成可用

郭成進築平夏城置第十將以戍之章綰謂諸將曰新
邊控制誰可付者皆曰非郭成不可遂用之

東都
事畧

校閱按試

元豐間王祖道言陝西河北京東府路將皆朝廷所選
擇尚多庸人其餘淮浙等路雖有團治訓練之法而無

教閱按試之實望密下諸路經畧監司體量將副第人

材為三等

職畧

力戰禦賊

劉仲武字子文為涇原路第一將夏人欲犯天聖砦主帥檄仲武會兵於天聖約過某日賊不來則分屯去仲武得賊的期乞緩分屯主帥止留一將及仲武軍賊果至仲武力戰禦之賊遁去遷熙河路兵馬都監

東都事畧

古今事文類聚遺集卷十

欽定四庫全書

古今事文類聚遺集卷十一

元 富大用 撰

府司部遺

督府

此下補外集宣慰使之後

歷代沿革後漢建武初征伐四方權置督軍御史竟則
罷魏武征孫權還使夏侯惇都督三十六軍明帝太
和四年晉宣帝征蜀加號大都督正元二年文帝都

督中外諸軍事尋加大都督及晉伐吳之役以賈充

為使持節假黃鉞大都督總統六師

晉職官志

宋人臣無

居者唯江夏王義恭得假黃鉞

宋書

後魏有都督中外

諸軍事又置京畿大都督總攝六軍

職官分紀

隋置大都

督但以酬勤勞而已

隋百官志

唐大府皆置都督景雲二

年置都督二十四人察刺史以下善惡揚益并荆四

州為大都督汴兗魏冀蒲絳秦洪潤越十州為中都

督皆正三品齊鄆涇襄安潭遂通果夔十州為下都

督從三品當時以爲權重難制奏罷之唯四大都督府如故自唐以後不置宋紹興初呂元直復相謀進取秦會之欲奪其權乃共議令元直以左僕射都督江淮荆浙諸軍事置司鎮江元直覺之遽歸而命孟富文以參政權同都督已而落權字四年趙元鎮自知樞密院爲川陝宣撫處置使元鎮以與吳玠共事爲嫌乃改都督川陝荆襄諸軍事五年春元鎮與張德並相遂帶兼都督諸路軍馬入銜秋赫舍哩志寧

入寇詔湯進之以左僕射為之進之逗遛不行乃命
王瞻叔以參知政事為同都督瞻叔亦丐免於是遂
命楊存中代為都督非宰相而為都督自存中始

朝野

雜記

督視軍馬者紹興三十一年冬葉審言始以樞密

院為之朝議以審言非相臣故其名下都督一等蓋
不考趙豐公故事失之也隆興初張魏公為江淮都
督乃命汪明遠以參知政事督視湖北荆西兵馬方
城失守汪責台州遂并令魏公督之

同上

張魏公之初

爲都督也以行府爲名凡事干朝廷則關三省樞密院孟庾富文時在政府大不平曰三省密院乃奉行府文書耶因稱疾求去隆興初再爲都督宰相主和議所行多與督府異魏公乃言進退調發當從督府取旨施行日近主兵官及帥守監司輒以軍期事務徑申朝廷已劄下依本府指揮仍取軍令狀上曰豈有不申朝廷之理乃詔江淮軍馬調發應援從督府取旨施行其餘事務並令申奏如舊開禧用兵除

丘宗卿僉樞督視軍馬閱月而免張肖翁以元代之
不勝任奉祠而去數月吳曦反復命李季章以參知
政事督視四川軍馬既而有裂土之議又罷行自是
不復除都督矣

羣書要語汝祖征禹乃會羣后誓于野書薄伐玁狁至
于太原文武吉甫萬邦為憲詩元戎十乘以先啟行
詩句往來看擁傳前後賴專城

古今事實

得江漢心

晉將有滅吳之志以羊祜為都督祜率兵出鎮南夏綏懷遠近得江漢之心

河南歸附

庾翼都督江荆益三州刺史制度規模每出於人數年之中軍國充實人情翕然稱其才明由是自河南皆懷歸附

吳人悅服

羊祜都督荊州諸軍事招攜以禮懷遠以德吳人悅服
稱為羊公

南土美謠

杜預為都督荊州諸軍事南土美而謠之曰後世無叛
由杜公孰識智力與勇功

政務清淨

唐漢陽郡王瓌為荊州都督政務清淨嶺外酋豪數相
攻瓌使諭威德皆如約不敢亂

治少威嚴

唐襄邑恭王神符遷揚州大都督自丹陽渡江治隋江都故郡揚人懷之然少威嚴不為下所畏

密表求鷹

唐李大亮為涼州都督嘗有臺使見名鷹諷大亮獻之大亮密表曰陛下絕畋獵久矣而使者求鷹信陛下意邪乃乖昔旨如其擅求是使非其人也太宗報曰有臣如此朕何憂

墾田力耕

唐張儉徙代州檢校都督勸墾田力耕歲數稔私蓄富
實儉恐虜易驕乃建平糴法入官虜悅喜由是斛儲流
贏

議建督府

唐陽嶠等議建督府擇最吏故嶠為涇州都督

議罷督府

李景伯景雲中時議置都督非是詔羣臣著議景伯與

太子舍人盧備議今天下諸州分隸都督專生殺刑賞使授非其人則權重釁生非強幹弱枝經邦軌物之議願罷都督留御史以時按察繇是停都督

道不拾遺

郭元振遷涼州都督治涼五歲善撫御道不拾遺

為政嚴肅

張嘉貞歷秦州都督為政嚴肅甚為人吏所畏

奏攻取策

王師討蔡以裴度視行營諸軍還奏攻取策與帝意合
請身督戰

時討蔡不利度請身督戰帝目度曰果為朕行乎度俯
伏流涕曰臣誓不與賊偕存即拜彰義軍節度淮西宣

撫招討處置使

同上

威重夸遠

唐宗室孝恭為揚州行臺大都督再破巨賊北自淮東
抱江度嶺而南盡統之欲以威重夸遠俗乃築第石頭

城陳廬徵自衛或誣其反赦為宗正卿

威信甚行

竇軌為洛州都督周洛間因隋亂人不土著軌下令諸縣有游手末作者按之由是威信甚行民皆趨本

刻石頌德

王峻景龍末授桂州都督州有兵舊常仰餉衡永峻始築籬郭罷戍卒隸江開屯田數千頃以息轉漕百姓賴之暮年人刻石頌德

賜錦著政

王方慶武后時累遷廣州都督南海歲有崑崙舶市外
區琛琲前都督路元叡冒取其貨舶首不勝忿殺之方
慶至秋毫無索部中首領皆墨氏詣府訴府曹素相餉
方慶約官屬不得與交通境內清畏議者謂治廣號第
一詔賜瑞錦雜綵以著善政

示賊禍福

馮元常拜廣州都督詔便驛之官安南酋領李嗣仙殺

都護劉延祐劫州縣詔元常討之率士卒航海馳檄先示禍福賊黨多降元常縱兵斬首惡而還

政尚清省

李襲志轉桂州都督襲志守桂二十八年政尚清省南荒便之

璽書賜勞

宗室晦乾封中為營州都督治狀聞璽書賜勞

區落降從

膠東王道彥拜岷州都督間遣入黨項諭國威靈區落降從

修復堰坊

張守珪為瓜州都督州地沙瘠不可藝是時渠堰為虜
毀材木無所出守珪密禱于神一夕水暴至大木數十
輦塞流下因取之修復堰坊耕者如舊州人神之

教之陶瓦

宋璟徙廣州都督廣人以竹茅茨屋多火璟教之陶瓦
築堵列邸肆越俗始棟梁利而無患

貪泉畢飲

唐馮立拜廣州都督前後作牧者多以贖貨為蠻夷所
患數怨叛立到不營產業衣食取給而已嘗至貪泉歎
曰此吳隱之所酌也遂畢飲而去

褒金以贈

李商遷廣州都督及遷人或褒金以贈曰吾自性分不

可易非畏人知也

已上並
唐書

專治軍旅

國朝呂忠穆公頤浩字元直與秦檜同秉國政檜令其黨建言令二相宜分任內外之事遂除頤浩都督江淮等路諸軍上諭之曰頤浩專治軍旅檜專理庶務如種蠡之分職頤浩秦檜唯唯奉詔乃詔頤浩總師北向置都督府于鎮江

言行錄

兼領屯田

張魏公浚親行邊郡上乃令浚往視師初言屯田者甚衆而未見其效至是浚兼領屯田以出始置官屬凡所

行之事皆畫一而去

表裏相應

趙忠簡公鼎與張浚俱帶都督諸路軍馬置師行在浚
出視師江上以行府爲名而鼎居中總政事表裏相應
視師江上

張魏公秉樞筦視師江上時烏珠擁兵十萬於淮陽公
召大帥韓世忠張俊劉光世與議且勞其軍將士見公
來勇氣十倍令韓世忠移書烏珠爲言張樞密已在鎮

江初敵諜報公得罪遠貶故悉力來寇至是烏珠問世忠所遣麾下王愈吾聞張樞密貶嶺外何得在此愈出公所下文書烏珠見公書押色動即強言約日當戰公再遣以世忠書問戰期愈回一日而敵宵遁

晦庵集

都督軍馬

張浚除右僕射都督諸路軍馬往江上視師浚至鎮江召韓世忠親諭上旨使舉軍前屯楚州以撼山東世忠忻然承命至建康府張浚軍至太平州撫劉光世軍軍士

無不踴躍思奮

措置邊防

樞密副使王庶暫往江淮措置邊防庶素有威嚴臨發
勞師於都教場軍容嚴整便服坐壇上自楊沂中而下
悉以戎服由轅門庭趨受命拜賜而出莫敢仰視自多
事以來所未有

國威大震

張魏公至江上會諸大帥議事乃命韓世忠據承楚以

圖淮陽命光世屯廬州以招北軍命張俊練兵建康以
為進屯盱眙之計命沂中領精兵為俊後翼命岳飛進
屯襄陽以窺中原國威大振上御書裴度傳遣賜以示
至意

手書嘉歎

張魏公往視江上手書賜浚曰敵人犯順侵壽及濠鄉
獎率師徒臨敵益壯遂使渠帥宵遁同惡自焚寤寐忠
勤不忘嘉歎

兒童知名

張浚往江上視師四方之士莫不傾心健將悍卒見之者必咨嗟太息下至兒童亦知有張都督每使者至金國其國必問浚今何在

倚公如長城

張浚樞密使仍督師江淮上召督參陳俊卿及浚子棡赴行在上見俊卿等問浚動靜飲食顏貌曰朕倚魏公如長城不容浮言搖奪

古今文集

律詩

送西川杜司空赴鎮

薛逢

黑眉玄髮尚依然紫綬金章五十年
三入鳳池操國柄八分龍節付兵權
東周城闕中天外西蜀樓臺落日邊
莫遣洪鑪曠真宰九流人物待陶甄

送王相公赴范陽

錢起

幕開丞相府旗總二師營
料敵知無戰安邊自有征

督參

歷代公革宋紹興二年以呂頤浩都督江淮荆湖諸軍
開府鎮江頤浩辟參謀官已下文武七十七員
詩句相府開油幕門生逐絳紗

古今事實

戲談廢事

晉陶侃為都督諸參佐戲談廢事侃責之曰君子當攝其
威儀何有亂頭養望自謂安達耶

得才重望

唐趙璟審官儀六蕃府官屬曰諸史辟署務得才以重府望能否已試則引而置之朝無俾其久滯

贊謀叅務

張拭字敬夫孝宗即位起忠獻公宣撫都督諸軍事忠獻公奏以公書寫機宜文字是時公甫三十內贊密謀外參庶務夙夜凜凜直以君父之責為己憂

極一時選

張拭辟機宜時浚起謫藉受重寄開府治戎參佐皆極一時之選幕府諸人自以拭為不可及

斥去小人

向子志字宣卿朱丞相勝非以督府討李成於江西屈公參議有一縣令以不廉被訟求薦入幕公具以姦賊白丞相斥去因論君子小人不可使混雜以亂政丞相納用之

入參謀議

陳克字子高金陵人不事科舉博學專用以資為詩晚得官呂社安老師建康辟置為屬安老入為尚書參都督府謀議子高復從軍為淮西之行

皆天下選

張于湖督府參議官制云朕命相臣以幕府臨遣凡其自從皆天下之選爾思直強明克承厥家所居之官聲績較著尚堅一心益固兵圉

古今文集

律詩

送李校書赴杜相公幕府

杜子美

貪趨相府今辰發，恐失佳期後命催。
南極一星朝北斗，五雲多處是三台。

制置使

歷代沿革唐宣宗大中五年以白敏中充招討黨項行

營都統制置等使

通鑑

制置使之名始此宋不常置掌

經畫邊鄙軍旅之事政和中熙泰用兵以內侍童貫

爲之

四朝志

宣和末姚古爲京畿輔郡兵馬制置使靖

康初种師道爲河東路制置使錢蓋爲陝西五路制

置使

欽宗實錄

建炎元年有招捉盜賊制置使自王淵始

三年有行在五軍制置使自劉光世始又諸路皆有

副使自江浙陳彥文程千秋始六月浙西安撫使康

允之帶本路制置使安撫帶制置此自始也

四年罷

有

沿江都制置使

管江南東路知建康府

紹興二年有沿海制置

使

係建康兩浙東路

三年有安撫制置使

大使之名自江南西路大使趙鼎始

六年始鑄印以某路制置司為名從浙西淮東制置

使梁汝嘉所請也其後盡省惟四川沿海有焉

四川係成

都府沿海係明州

開禧用兵起丘宗卿守金陵留鑰宗卿嘗

以僉樞督視軍馬於是趙淳已為江淮制置命宗卿為江淮制置大使已而罷四川宣撫又以安子文為制置大使朝議以子文恩數視執政特加大字

古今事實

誅賞便宜

張浚至襄陽自屬郡守貳以下皆得誅賞因薦程千秋

為京西制置使假以便宜

王之望
西事記

舉按不法

席大光在成都得旨位宣撫副使上制置使凡監司不

法許舉按

朝野
雜記

築堡置戍

范成大為四川制置使公以黎為要地奏置路分都監
增五寨籍少壯為兵凡吐蕃擾邊徑路十有八悉築堡

置戍重賞檄羣蠻使相疑貳俄蕃牙擒文才以獻公命

斬之

言行錄

討擊撫摩

范成大為四川制置使文州蕃部間擾邊公奏乞豫為
文告徭强者討擊之善良者撫摩之使知畏慕即日施
行

人才羅致

范成大為四川制置使凡人才可用者公悉羅致幕下

用其所長其傑然則露章以薦往往光顯於朝

並同上

並聽節制

制置使自熙豐後多以武臣為之建炎元年郭太尉仲宣制置東南盜賊請監帥司並聽節制許之

朝野雜記

古今文集

雜著

乞令四川制置司通知馬政

周必大

臣聞蜀有邊防有馬政前後議者多云二者必須相關
然後事體歸一朝廷亦嘗屢行申飭矣其如制置司專
任邊防市馬多寡在所不問都大司專主茶馬支費浩
瀚有所不恤若非兩司通知其利害則雖欲使之協力
何可得也且陛下以全蜀兵民之寄付之制帥雖御前
諸軍猶許節制總所錢物猶得商確而馬政獨不預聞
可乎臣愚欲望特降睿旨今後凡每歲市馬若干價直
增損若干收支茶絲銀兩若干並令制置司通知如此

則議論歸一邊防馬政不致相妨實為悠久之計取進止

古詩

送王舍人制置四川

洪邁

昭代推人傑誰登上將壇君王念方面侍從輟儒冠魏闕成高拱梁州遠監觀九天開幕府萬里入征鞍往昔先多士歸歟樂考槃中年思賈誼見晚歎嚴安禁掖侵霄漢秋空刷羽翰文章變龍虎班級上鴛鴦謀帥西南

急登庸歲月寬智謀回睿眷節制妙朝端風采今如此
家聲定不刊雪山方始重蜀道幾曾難地迥江驚急雲
孤峽怒蟠梅花春欲動水國暮生寒行路艱初起篝爇
策未殫郛笥無惜醉岷芋且加餐鄉曲霑投分蓬萊忝
備官丹心空自喜青眼獨相看此地從公別何時話夜
闌歸來消息近鵬背一朝搏

律詩

呈知鄜州何士宗

向敏中

動將鐘鼓堪銘鏤業為皇王致太平貌虎有威開玉帳
犬戎無戰卧金鉦

贈滕使君

張孝祥

千騎東方白玉鑣十眉環坐紫檀槽安南都護來鰲禁
建武將軍握豹韜瘴雨蠻烟驚鼓角朔雲邊雪滿旌旄
夕烽不到甘泉殿尺一徵還近赭袍

次韻王帥彥昭破賊

葉集之

將略兵機斷若神濟時須仗老成人指麾自扣囊中智

謀議誰參幕府賓已喜雄威存楚越更看餘策取綏銀
明年此去登黃閣要使恩榮萬國春

送賈使君

劉商

考績朝稱貴時清武用文二天移外府三命佐元勲佩
玉兼高位樅金闕上軍威容冠是鐵圖畫閣名芸

送趙尚書北伐

張說

兵連紫塞路將舉白雲司超劍榮申貴銜盃盛出師日
華鮮組練風色焰旌旗投筆樽前起橫戈馬上辭

贈容尚書中丞

陳陶

普寧都護軍威重九驛梯航壓要津十二銅魚尊畫戟
三千犀角擁朱輪

送李尚書赴襄陽

韓愈

帝憂南國切改命付忠良壤畫星搖動旗分獸歟揚五
營兵轉肅千里地還方賜書寬屬郡戰馬隔隣疆縱獵
雷霆迅觀碁玉石忙風流峴首客花艷大堤倡

送容州唐中丞赴鎮

杜牧

交趾開星座龍泉佩斗文燒香翠羽帳音舞燄金裙鷁
首衝瀧浪犀渠拂嶺雲莫教銅柱北長說馬將軍

送路使君赴任

杜甫

王室比多難高官皆武臣幽燕通使者岳牧用詞人國
待賢良急君當拔擢新佩刀成氣象行蓋出風塵

送封尚書節制興元

薛逢

大封茅土鎮褒中醉出都門殺氣雄陌上晚花迎虎節
馬前新月學彎弓珂臨響澗聲先合旆到春山色更紅

欲識真心報天子滿旗全是發生風

餞趙尚書赴朔方軍

蘇頲

勁虜欲南飛揚兵護朔垂趙堯無易邛鄧禹即分麾野
餞迴三傑軍謀用六奇雲邊愁出塞日下愴臨歧拔劍
行人舞揮戈戰馬馳明年麟閣上充國拜於斯

宣諭使

歷代沿革宣諭使舊有之以宣諭德意為職而已不與
軍事渡江後所遣尤數紹興二年冬分遣御史五人

宣諭東南諸路觀風問俗平反獄訟宣布德意踰年
乃還六月已遣范右司直方宣諭川陝九年又遣方
察院庭實宣諭三京皆使者職也時李察院案被旨
宣諭江西乃專督捕盜平遂罷為廣西提刑是年新
復陝西詔樓仲輝以僉書樞密院往永興宣諭鄭亨
仲以秘書少監為參謀予衛卒千人因制置移屯等
事宣諭之權自此重矣十一年鄭亨仲宣諭川陝始
建使名得與邊事三十一年汪中丞徹宣諭京西湖

北得旨撫勞將士體訪事宜三十三年虞雍公宣諭
川陝乃專招軍買馬其年王瞻叔代之亦參軍政蓋
自鄭亨仲後其權亦在宣撫之亞焉

朝野
雜記

詩句渡江野老思求瘼候館彬人憶下車
手持國憲羣僚畏口喻天慈百姓安

古今事實

循行諸路

呂忠穆公頤浩字元直時諸路盜賊稍息公慮守令不

虔請分御史循行諸路上乃詔三省選強明廉謹之人
臺察不足則以郎官攝之皆令引對面給親札御寶歷
回日攷其殿最以著賞罰分往諸路並以宣諭為名

薦劾盡公

高宗紹興二年遣使宣諭諸路賜以宣諭詔書御寶手
歷居他官者並攝御史劉大中胡蒙朱異明素薛徽言
五人同入見上諭曰比所下詔令州縣皆為虛文今遣
卿等務令民被實惠守令民之師帥縣令尤親於民姦

賊之吏必須按發公正奉法之人必須薦舉山林不仕者亦具名以聞平反獄訟觀問風俗等事並書於歷朕一一行之乃詔異使浙東福建蒙浙西大中江東西徽言湖南橐廣東西各賜內帑帛二百大中薦舉按劾兩書其公士論稱之

奏攻守策

虞雍公之為宣諭也開幕府於襄陽以為荆襄藩籬實
在唐鄧勝勢在唐州方城其次在樊城其次光化軍當

先城新野次鄧州次唐州又開泌河以通漕運藩籬既固則襄漢久安此守策也王師進取之路出蔡以睨秦出襄鄉以襲許出汝洛出商虢以震河東出商以圖陝西此攻策也部分以定累奏以聞時相欲速和議棄唐鄧三州朝廷深悔之

牛酒迎師

虞雍國忠肅公允文自襄陽開幕府於興元

時為川陝宣諭使

經理有序關河響應軍民歸附日以萬計且爭出芻粟

牛酒以迎王師夫何言者謂宜棄陝西三路新復州郡而退守蜀之故封公屢爭不能得

古今文集

雜著

辭宣諭奏狀

吳芾

臣一介踈遠陛下過聽付臣以淮西之寄臣退惟江淮表裏之雄師旅營屯之衆事大體重受任匪輕臣學不知兵才非應猝究淮西之形勢實江左之藩籬列城雲

屯諸將環峙內以宣昭於王略外以安靜於邊陲是必
精神足以折衝智識足以應變始可當一面之重寄寬
九重之顧憂如臣懵不習於軍旅愚亦闇於事機倘冒
寵榮必辜任使

古詩

贈除涼州宣諭

荀濟

副尉西域返伏波南海還龍旗翻委鬱鷁舳更迴遭博
選咆咻士廣募嫖姚尉映月比刀還看星嗟劍氣渤海

水尚寬崦嵫日猶未

參議官

此下補外集經略使之後

歷代沿革唐置藩鎮皆有參謀至行軍亦有之關預軍
中機密張建封署溫造說劉濟使納忠於朝宋建炎
四年詔兩浙西路安撫大使許置參議參議各一員
紹興四年詔沿江之大使司亦許置參議參議官五
年詔江東西路湖南浙西安撫大使許置參議安撫
使許置參議其參謀參議請給依本路提舉茶鹽支

使

羣書要語實參戎幕俾倅中權

常集

藉賓介以參謀猷

白居

易裴

授韓厥佐戎之職

常集

將枉後惠文之冠委以謀謨

介僕之重

晏類要權集

任為從事禮以上賓

六帖

請倅戎旃

常集

介於戎車服我清憲

同上

載筆乘輅乃作參謀出入朔方

陪佐戎車

柳子厚作傳御史柳公墓記

分閫之寄參制其半

詩句還聞李司馬更逐李輕車

古今事實

杜甫不冠

嚴武鎮成都奏杜甫為參謀甫放恣常醉登武牀瞪目
視武曰嚴挺之乃有此兒武不為忤結廬浣花里武過
之甫有時不冠其放誕如此

陳琳草檄

任在軍要權制兵機參謀幕府制勝樽俎從軍則望重
仲宣王佐幕則才高阮瑤字元瑜魯連飛書燕將得而自
殺陳琳草檄魏祖讀以愈風

魯連飛書

見上注

命為上介

西川曰益部以文昌為帥長俾鎮撫焉命審規為上介
俾左右焉文昌賢而審規輩才以才佐賢蜀必理矣輟
三署郎加命服以遣之其於張大光榮與四方征鎮之
賓僚不侔矣苟佐吾相以善政聞吾寧久遺汝於諸侯
乎

求賢參貳

元翼殿我漢南求賢乞能以自參貳今以命洪苟致吾元翼於羊杜間別有陟明之典

參佐戲談

陶侃事見督參門

議論無不言

劉文節公先祖時趙忠定帥蜀請公參謀議以自助時同幕皆一時選相與上下議論知無不言羈制諸蠻弭耳安伏其他建明甚衆成都之政遂為天下最

論君子小人

見督參門

古今文集

雜著

沿海制置司參議廳壁記

樓鑰

四明為東南大邦海市三垂北通海岱東控高麗日本
諸國高皇南巡駐蹕臨安尤為控扼要地始置沿海制
置使尋命守臣兼之凡閩浙淮東瀕海之州皆隸焉後
分道置使乃專領浙東四郡檢校少保郭公仲荀徽猷
閣待制仇公愈皆嘗領之仍有參謀參議官紹興三年

二司俱罷隆興元年海寇猖獗戶部侍郎趙公子滿以
數文閣直學士出鎮復兼制置使以重其權獨置議幕
非老成資高者不在茲選於是張君大年始為之五傳
而至先君先君嘗以軍器監丞兼攝起部出守括蒼倦
游念歸遂仕於家又閱八人至今吳侯侯一日謂某曰
時平罷警幕府雖省文書然制司任重為之參佐敢怠
其事將刻石紀前任人名氏自隆興始且子之先君嘗
為是官矣子為我記之侯嘗為鵲城濠梁二守有能名

精神未衰才力過人此職雖無以表見然嘗造其公宇
前日支傾柱壞之不暇今皆煥然又有餘力以及此臨
事類不苟識者多稱其賢某既與侯游又因得以不肖
姓名託先君之後遂謹書之

古詩

送李侍郎迴秀薛長史季昶參謀

張說

漢郡接胡廷幽并對烽壘旃旌按部曲文武惟卿士薛

公善籌畫李朔威邊鄙中冀分兩河長城各萬里藉馬
黃花塞蒐兵白狼水勝敵在安人為君汗青史

送韓愈從軍

孟郊

志士感恩起變衣非變性親賓改舊觀童僕生新敬坐
作羣書吟行為孤劍詠淒淒天地寬凜凜軍馬令驛塵
時一飛物色極四靜王師既不戰廟畫在無競王粲有
所依元瑜初應命一章諭檄明百萬心氣定

律詩

贈盧琬參謀

杜甫

恭惟同自出妙選異高標入幕知孫楚披襟得鄭儁大
人藉門地閱閱冠雲霄藻翰惟牽率湖山合動搖

贈崔諮議

李白

駉驥本天馬柔非伏櫪駒長嘶起涼風倏忽凌九區望
君垂翦拂猶可騁中衢

送侯參謀

韓愈

今君行得所勢若脫鞴鷹檄筆無與讓幕謀識其膺收

續開史牒翰飛逐溟鵬

贈梅聖俞

劉原父

聲名動冠劔久合參朝采何意幕中客新違江上宰高
材用雖晚大器終有待三公識者多薦拔可立待

送李校書赴京川幕

盧綸

編簡塵封濶戈鋌雪照營男兒須聽用莫信筆堪耕

送員外赴邠寧使幕

劉禹錫

家聲常平身業文素風清白至今貧南宮通籍新郎吏

西候從戎舊主人

送吳參議

樓鑰

才氣勇無前人推季子賢侯藩聯剖竹制幕晚依蓮勢
利從身外風流到酒邊四明欣會遇兩載得周旋為記
題名石仍吟達觀篇留行何及矣執別但茫然我已甘
投老君方欲引年未知重見日目斷五湖船

機宜

歷代沿革宋安撫使司其屬有勾當公事管勾機宜文

字准備差使

哲宗正史志

建炎初安撫大使許置主管機

宜文字管書寫本司機宜文字各一員紹興四年詔

帥府書寫機宜文字除係事干機密合書寫外其餘

文字並不得簽書俸給京官依通判選人依簽判

羣書要語雍容幕畫

初寮除機宜制

外任幕府

除姚守和制

任有事

要權制兵機

古今事實

內贊密謀

張忠獻公宣撫都督諸軍事奏以拭書寫機宜文字是
時年甫三十內贊密謀外參庶務夙夜凜凜直以君父
之責為己憂

朱晦庵文

召問邊事

趙高郭達帥延安辟掌機宜文字上知其才召見問邊
事除集賢校理還延安

上平戎策

王韶字子純上平戎策神宗竒之以為秦鳳路經略司

機宜文字時青唐俞龍珂族大難制詔親帥數騎直抵其帳且留宿以示不疑龍珂遂率其屬十二萬口來附於是青唐渭源諸侯俱納地周環二千里賞詔直集賢院

薦堪大任

王安禮字和甫唐介帥太原辟機宜文字後帥呂公弼薦於朝謂堪大任代還召見占對詳明神宗勞問甚久

部分方略

劉子羽字彥修父忠顯帥真定復辟以從金人入寇圍城數匝父子相與死守部分方略多公之謀敵不能拔而去名聞河朔間除直秘閣

築堡控衝

楚建中管勾鄜延經略司機宜時元昊納款建中數白主帥請備之乃命建中築安定黑水等八堡以控東路之衝元昊犯邊以鄜延有備不敢入

募民為兵

劉忠顯幹帥越辟其子子羽主管機宜方臘反佐忠顯募民為兵卒全其城

閱奏知人

熙寧三年韓琦判大名府奏乞不散青苗上閱其奏曰此必彊至之文也時至為大名府安撫司機宜

不負韓公

李清臣字邦直韓絳宣撫陝西即奏掌機密文字就遷太子中允檢正中書公事絳貶清臣曰我不負韓公者

因求還所遷秩補外

再召除檢詳

趙君錫韓琦守大名辟主管機密文字改大理評事再
任召除檢詳

未幾除史館

韓維字持國富弼安撫辟掌機宜文字未幾除史館檢
討

古今文集

古詩

送韓持國從富并州

王介甫

韓侯冰玉人不可塵土雜

云

云子材宜用世談者為鳴

喈矧今名主人氣力足呼吸推賢為時輔勢若朽易拉
會當薦還朝立子在閭闔

帥幹

歷代沿革祖宗朝安撫使司屬有勾當公事高宗即位
避御嫌名改為幹辦公事官五員其俸給京朝官依

通判選人依僉判支破紹興四年江東西湖南浙西
安撫大使許置幹辦公事五員安撫使置四員

古今事實

畫策造戰

張忠簡公闡字大猷參政席益帥湖南辟公幹辦公事洞
庭羣盜熾張公畫策造戰擢訓水軍賊勢以衰諸司交薦
直言不隱

何櫛字節之調廣西經略司幹辦公事桂帥李浩與公

有舊事無小大必直言不隱李浩欲於近城為營田從事皆承意取逃戶絕產籍入之務多其數以合浩意公曰桂環城皆山土田瘠少今所籍者多涸源竭嶠徒勞人工無益也其後卒如公言廢之

帥屬

歷代沿革唐趙璟審官議六藩府官屬曰諸使辟署務得才以重府望能否已試則引而置之朝無俾久滯

羣書要語受命辟書祗事戎府

白六帖

載筆旌旄運籌帷

幄 盛府求賢戎書辟士

詩句風雲入壯懷泉石別幽耳

韓愈送石處士赴河陽幕

君家酥酪

弟兄賢督府從軍滯幕蓮

宋庠寄武昌胡從事

暫佐元戎美思齊

十萬軍

古今事實

遇事慷慨

孫昭遠字顯叔依河東經略司幕府陝西方用師夏人
乃窺河東帥司奉朝命聚師令王舜臣將之敵知有備

去他路朝廷謂不當擅追舜臣兵入塞并劾主議者公
請獨坐其遇事慷慨如此

有用之才

湯思退為相時武舉第一人趙應熊擬授江東帥司屬
官上曰應熊有用之才觀其所試皆有可采公曰應熊
初入仕且如此處之養其資望上曰善

辟置幕下

李之儀字端叔善屬文工於尺牘蘇嘗謂得發遣三昧

軾帥定武辟置幕下

除宗正簿

游師雄字景升趙高帥延安辟為屬久之除宗正寺簿

議攻守策

元昊反夏竦為經略招討使辟尹洙為經略判官上意
必欲誅元昊詔遣近臣督戰韓琦時為招討副使與洙
詣闕議攻守之策

納降上疏

趙高字公才夏人不庭郭達宣撫陝西帥延安高皆在幕府种諤擅納綏州降羌數萬朝廷病其生事議誅諤

高上疏

云

不出他門

王岩叟字彥霖韓琦留守北京辟岩叟為屬韓絳代琦欲留岩叟岩叟謝曰岩叟魏公之客不願出他門也士君子稱之

同游嵩山

謝希深歐陽永叔官洛陽時同遊嵩山歸幕抵龍門香
山雪作留守錢文僖公遣吏以厨傳歌妓至且勞之曰
山行良勞當少留龍門賞雪府事簡無遽歸也錢遇諸
公之厚類此

古今文集

雜著

福建路安撫司二準備差遣廳記

劉克莊

二準遣建罷不常增西廳以監牛田場兼之自嘉定某
帥始復東廳自端平丈忠真公始閩閩歲計繫乎鹺二
屬秩雖卑西主烹煎東主給售帥得自辟徐君憲王君
稼皆以才為安撫使尚書趙公羅致舊無解始度地於
府治西北隅背郡圃迫馬廐尤庫隘公曰圃可縮也廐
可徙也致客而不能館可乎哉乃損庫錢二百二十萬
益以沒官山木廢寨瓦石倂圖於丙午落成於丁未二
廨規撫位置悉公指授稼俾余記之今諸道使者之屬

皆稱雄盛帥非諸使之長乎而其屬獨牢落廳寒如冰
吏卒鶉結率取諸曹掾所棄曩余參真公謀議熟知之
時解廢為潛火局假屋以居機宜寓僧寺僅存一幹官
直舍委曰閒慢官爾噫彼之所謂雄盛得意者嘗求其
故矣賦訟繁而文書多也予奪健而聽信專也蓋智以
繁而昏力以多而分健之弊為薄專之弊為詭是數者
固常情之所羨而有識之所畏也閭幕則異是矣居常
無事不幸小有調發急符旁午吏卒並緣饜飫隅總依

馮桀驚不但賓主汲汲鮮歡郡邑皇皇奔命而更番之
舟漁業之民皆騷然失寧於四封之內矣惟夫歲豐盜
熄野無桴鼓吾主人可以雅歌而緩帶吾儕可以長衣
而清談奈何不此之樂而彼之羨乎公忠定丞相嫡孫
治如忠定官自襁褓革去敷抑勦平海盜鯨浸不驚以
羨錢糴粟萬斛備緩急祖孫相望為閩賢帥其待士尤
有禮昔有廢官館為庫廐者公今徙廐築館以龍媒汗
血之未得為緩而以樂毅劇辛之未至為急公有合羣

才康斯世之志矣惜其局於方面也公名必愿字立夫稼字無逸由東廳改秩憲字某由西廳陞幹辦公事

請置經略副使判官參謀

呂大防

臣竊觀自古設官之意必先置貳立副不以名位為限者所以紓艱危而適順用聚聰明而濟不及也總兵命將尤重其選以漢唐事言之大將軍有長史司馬從事節度使有副使判官參謀其自小官而登寄任立功效者不可勝數本朝祖宗以來實用此法故名臣不絕而

遠方畏服竊見今緣邊經略使獨任一人而無僚佐謀議之助雖有副總管鈐轄之屬皆奉節制備行陣非有折衝決勝之略預於其間朝廷每除一帥幸而得能者則一路兵民實受其賜不幸而得不才者與焉則是以三軍之衆一聽庸人之所為豈不可懼哉其弊蓋由朝廷不素養其材而取人之路又常太狹方今戎人旅拒邊患漸生若不早為準備閱試其能誠慮臨事用不暇精選因而敗事所繫不細以臣愚見經畧使各置副使

或判官一人朝廷選差素有才略職司以上充參謀一人委經畧使奏辟知邊事有謀略知縣以上充如此則可用之士不以位下而見遺中材之帥又以人謀而獲濟兼得以博觀已試之效以備緩急之用講緝邊要莫先於此

古詩

送程劉二侍御赴安西幕府

李白

安西幕府多才雄
喧喧惟道三數公
綉衣貂裘明積雪
飛書走檄如飄風
朝辭明主出紫宮
銀鞍送別金城中
天外飛霜下葱海
火旗雲馬生光彩
胡塞塵清計日歸
漢家章綵遙相待

律詩

送沈達赴廣南幕府

蘇子瞻

君隨幕府戰西羌
夜渡冰河砂雪壘
飛塵漲天箭洒陣
臨對妻孥真夢耳

送陳彤之江陵從事


姚合

荊州勝事舊家聞
幕下今朝又得君
才子何須守科第
男兒終久要功勳

送沈世德撫幹還朝

周必大

元戎已趣曹裝觀
上客難教儉幕留
積雨半篙生別浦
清風十幅送歸舟
槐庭袞綉行虞侍
芸閣鉛黃待校讎
池有游鱗雲有鴈
尺書能寄故人不



古今事文類聚遺集卷十一